

## UGOVOR

### O KUPOPRODAJI ROBA: „DIZEL BAS EN 590 (10 ppm) - LOT 2042“

Zaključen na osnovu Okvirnog sporazuma broj: 15037 od 06.11.2020. godine između:

1. **Kantonalno javno komunalno preduzeće „GRADSKI SAOBRAĆAJ“ d.o.o.Sarajevo**, Sarajevo, ul. Srđana Aleksića br. 1, Sarajevo, ID broj: 4200055640002, PDV broj: 200055640002, transakcijski račun broj: 1540012000237552 kod Intesa Sanpaolo banka Sarajevo, koga zastupa V.d. Generalni direktor mr.sci Almir Ahmetspahić, s jedne strane / u daljem tekstu: Ugovorni organ/ i
2. **„ALMY“ d.o.o. Zenica, ul. Vrandučka bb, Zenica**, ID broj: 4218149030000, PDV broj: 218149030000, transakcijski račun: 1610-55000-6660052 kod Raiffeisen Bank, koga zastupa Direktor Almir Begić, s druge strane (u daljem tekstu: Dobavljač)

#### PREDMET UGOVORA

##### Član 1.

- (1) Predmet ovog Ugovora je kupoprodaja robe: "DIZEL BAS EN 590 (10 ppm) - LOT 2042", a prema potrebnosti broj 377/3 od 06.11.2020. godine i specifikaciji koja je sastavni dio ovog ugovora.
- (2) **Ukupna vrijednost nabavke roba po ovom potrebnosti iznosi 49.640,00 KM bez uračunatog PDV-a, odnosno 57.868,20 KM.**
- (3) **Jedinična cijena iznosi 1,46 KM/litar bez uračunatog PDV-a, a sve prema Članu 7. Stav (2) Okvirnog sporazuma cijenama iz ponude na osnovu koje je sačinjen okvirni sporazum i računa se prema sljedećem obrascu:**

$$Cug = Cdob \times [1 + (Cpug - Cpos) / Cpos]$$

Gdje je:

- *Cpos [KM/litar]* – prosječna cijena goriva posljednja objavljena na web stranici Agencije za statistiku BiH prije potpisivanja Okvirnog sporazuma /za **Septembar 2020. godine iznosi: 1,8 KM/l sa PDV-om (1,54 KM/litar bez PDV-a);**
- *Cpug [KM/litar]* – prosječna cijena goriva posljednja objavljena na web stranici Agencije za statistiku BiH prije potpisivanja pojedinačnog Ugovora / za **Septembar 2020. godine iznosi 1,8 KM/l sa PDV-om (1,54 KM/litar bez PDV-a);**
- *Cdob [KM/litar]* – konačna cijena goriva dobavljača nakon e-aukcije / **1,70 KM/litar sa PDV-om (1,46 KM/litar bez PDV-a);**
- *Cug [KM/litar]* – cijena goriva u pojedinačnom Ugovoru / **1,46 KM/litar bez PDV-a (1,70 KM sa PDV-om).**

##### Član 2.

Nabavka robe koja je predmet ovog Ugovora će se vršiti putem Narudžbe - dispozicije, koju Ugovorni organ ispostavlja dobavljaču, u sjedištu kupca - Benzinska pumpa Ugovornog organa, ul. Srđana Aleksića 1, Sarajevo.

#### NAČIN PLAĆANJA

##### Član 3.

Način plaćanja: odgođeno, do 60 dana po prijemu fakture.

#### Član 4.

Dobavljač fakturiše robu po cijeni iz Člana 1. stav (3) Ugovora.

#### KVALITET I GARANCIJE

#### Član 5.

- (1) Kvalitet robe mora odgovarati važećim propisima o kvalitetu robe u Bosni i Hercegovini.
- (2) Za svaku isporuku dobavljač mora obezbijediti uredan certifikat o kvalitetu izdat od nadležnih institucija.
- (3) Ugovorni organ zadržava pravo kontrole kvaliteta isporučene robe u nezavisnoj ovlaštenoj instituciji na osnovu člana 8. okvirnog sporazuma, te ako se utvrdi da roba ne odgovara standardima kvaliteta i certifikatu koji je prati, te ukoliko se ustanovi da kvalitet isporučene robe nije u skladu sa propisanim standardom koji reguliše predmetnu oblast Ugovorni organ nije obavezan platiti isporučenu robu.

#### Član 6.

U slučaju odstupanja od ugovora Ugovorni organ će dostaviti pismeno obavještenje Dobavljaču o propustu u realizaciji ugovora i pozvati Dobavljača da otkloni nedostatak u razumnom roku koji ne može biti duži od 7 dana. Ukoliko Dobavljač ne otkloni propust u ostavljenom roku Ugovorni organ će protestovati garanciju.

#### Član 7.

#### OBAVEZE DOBAVLJAČA SU :

1. da u roku 24 sata od prijema narudžbe /pismenog zahtjeva i definisanih potreba/, DDP benzinska pumpa ul. Srđana Aleksića 1, Sarajevo.
2. da osigura prevoz do skladišta Ugovornog organa na lokaciji iz tačke 1. ovog člana, te da uz svaku isporuku roba dostavi i odgovarajuću potvrdu (certifikat) o kvaliteti roba, koji izdaje nadležna institucija;
3. da robu fakturiše po ugovorenoj cijeni navedenoj u Ugovoru;
4. da ispostavi fakturu za isporučenu robu koja sadrži: jediničnu cijenu, ukupnu cijenu bez PDV-a i ukupnu cijenu sa obračunatim PDV-om;
5. da prilikom isporuke roba koristi cisterne (prevozno sredstvo) koja mora imati važeći certifikat o kalibraciji, opremljenu sa elektronskim mjerilom za protok goriva i ispravnim crijevima za pretakanje goriva i pumpom za istakanje. U slučaju da se u toku pretakanja ustanovi propuštanje goriva na crijevu za pretakanje, Ugovorni organ ima pravo izvršiti obustavu istakanja i cisternu vratiti Dobavljaču. Svu štetu koja nastane na podlozi i drugim dijelovima objekta uzrokovanu propuštanjem crijeva i spojeva dobavljač je dužan sanirati o svom trošku;
6. da prilikom isporuke goriva Dobavljač će sa Ugovornim organom usaglasiti količinu primljene robe na otpremnici Dobavljača, po osnovu utvrđenog stanja ugrađenih mjernih sondi, što će se evidentirati i u zapisniku o prijemu robe;
7. da odmah postupi po pismenoj ili usmenoj reklamaciji Ugovornog organa za eventualne uočene nedostatke u kvalitetu robe;
8. da garantuje da će robe koje su predmet Ugovora iz člana 1 zadovoljavati sve tražene uslove kvaliteta iz ponude;
9. da će gorivo koje je predmet isporuke biti kvalitete utvrđene važećim propisima o kvaliteti istog u Bosni i Hercegovini;
10. da će vršiti redovnu kontrolu kvalitete goriva kod ovlaštene laboratorije uz certifikat o izvršenoj analizi kvaliteta goriva.

**Član 8.**

**OBAVEZE UGOVORNOG ORGANA SU :**

1. da primi naručenu robu traženog kvaliteta koja je predmet ovog Ugovora;
2. da ukoliko utvrdi da roba ne odgovara po kvalitetu ili cijeni, sačinjava zapisnik po svim utvrđenim nedostacima, koji svojim potpisom ovjerava ovlašteno lice Ugovornog organa i dobavljača;
3. da ukoliko naknadno utvrdi da roba iz člana 1. koja je predmet Ugovora, ne odgovara svojim kvalitetom obavijesti Dobavljača odmah, a najkasnije u roku od 24 sata usmeno ili pismeno radi otklanjanja nedostataka;
4. da izvrši realizaciju bezuslovne bankovne garancije ukoliko dođe do kršenja odredbi ovog ugovora radi naknade nastale štete;
5. da izvrši plaćanje roba po ispostavljenim fakturama u skladu sa odredbama ovog Ugovora na broj transakcijskog računa Dobavljača,

**ZAVRŠNE ODREDBE**

**Član 9.**

- (1) Sve eventualne nejasnoće nastale po ovom Ugovoru , ugovorne strane će rješavati sporazumno.
- (2) Ugovorne strane imaju pravo na raskid ugovora. U slučaju raskida ugovora primjenjivati će se odredbe Zakona o obligacionim odnosima.

**Član 10.**

Ovaj Ugovor stupa na snagu danom potpisivanja ugovornih strana .

**Član 11.**


U slučaju spora nadležan je sud u Sarajevu.

**Član 12.**

Ovaj ugovor sačinjen je u četiri /4/ primjerka, od kojih Ugovorni organ zadržava tri /3/, a dobavljač /1/ primjerak .

Supotpisnik:

Zoran Miljuš



ZA UGOVORNI ORGAN

V.d. Generalni direktor

mr.sc. Almir Ahmetspahić



DOBAVLJAČ

DIREKTOR

Almir Begić



Broj: 1887-20-AB

Datum: 11.11.2020



Broj: 15096

Datum: 06-11-2020

